



PROPHETIAE SEV VA=||TICINIA XIII. TABELLIS
EX=||PRESSA, DE HORRENDIS CALAMITA-||TIBVS
ORBI TERRARVM IMPENDENTIBVS, DE EVERSIONE
IMPERII TVRCICI, ET MAHVME-||tanae superstitionis
abolitione, de Turcarum ad fidem || Christi conuersione:
de Antichristi Regno, dira || Tyranni de foedo#[que] exitu,
partim ex Sancto-||rum quorundam hominum
monumen-||tis, partim ex celebratorum Astro-||logorum ...

Vollständiger

Titel:

PROPHETIAE SEV VA=||TICINIA XIII. TABELLIS EX=||PRESSA, DE
HORRENDIS CALAMITA-||TIBVS ORBI TERRARVM IMPENDENTIBVS,
DE EVERSIONE IMPERII TVRCICI, ET MAHVME-||tanae superstitionis
abolitione, de Turcarum ad fidem || Christi conuersione: de Antichristi
Regno, dira || Tyranni de foedo#[que] exitu, partim ex Sancto-||rum
quorundam hominum monumen-||tis, partim ex celebratorum
Astro-||logorum commentarijs in v-||num collecta, studio || & opera.||
GREGORII IORDANI VENETI || SERENISSIMI PRINCIPIS ERNESTI
VTR.|| BAVA. DVCIS. ARCHIEPISC. ET ELECT. || COLONIENSIS ETC.
ELEMOSYNARII ET || COSMOGRAPHI.||

PPN:

PPN799273287

PURL:

<http://resolver.staatsbibliothek-berlin.de/SBB000174C500000000>

Erscheinungsjahr:

1591

Signatur:

Na 7911

Kategorie(n):

Historische Drucke, Aberglaube / Mystische Philosophie

Projekt:

VD16 digital

Strukturtyp:

Monograph

Seiten (gesamt):


52

Seiten (ausgewählt):

5-45

Lizenz:

Public Domain Mark 1.0



PROPHETIÆ SEV VA-
TICINIA XIII. TABELLIS EX-
PRESSA, DE HORRENDIS CALAMITA-
TIBVS ORBI TERRARVM IMPENDENTIBVS, DE
EVERSIONE IMPERII TVRCICI, ET MAHVME-
tanæ superstitionis abolitione, de Turcarum ad fidem
Christi conuersione: de Antichristi Regno, dira
Tyrannide fœdoq; exitu, partim ex Sancto-
rum quorundam hominum monumen-
tis, partim ex celebratorum Astro-
logorum commentarijs in v-
num collecta, studio
& opéra.

GREGORII IORDANI VENETI
SERENISSIMI PRINCIPIS ERNESTI VTR.
BAVA. DVCIS. ARCHIEPISC. ET ELECT.
COLONIENSIS ETC. ELEEMOSYNARII ET
COSMOGRAPHI.

Joachims
Abbas

MD XCI.

Sancta
Brigitta

Matthæi cap. 24. vers. 7.

*Consurget gens in gentem, & regnum in regnum: & erunt pestilentia & fames, & terræ-
motus per loca.*

Luc. 21. vers. 25. & 26.


*Et erunt signa in Sole & Luna & stellis: & in terris pressura gentium præ confusione sonitus
maris & fluctuum, arescentibus hominibus præ timore & expectatione, qua superuenient uni-
uerso orbi. nam virtutes cælorum mouebuntur, &c.*

Et Vers. 28.

*His autem fieri incipientibus, respicite, & leuate capita vestra, quoniam appropinquat re-
demptio vestra.*

Et Vers. 31.

Quum videritis hæc fieri, scitote quoniam propè est regnum DEI.



ILLVSTRI ET GENEROSO
D. D. IOHANNI FVGGERO BARONI
ET DOMINO IN KIRCHBERG ET VVEISSEN-
horn, &c. Domino suo gratiosissimo.



V M Prophetias siue prædictiones aliquot de grauissimis rebus, quas partim sancti homines, partim Astrologi iam olim temporibus nostris euenturas prædixere, multorum annorum labore & vigilijs, tum ex impressis, tum ex manu scriptis eorum operibus, in vnum volumen redegissem: easq; visum esset, ad publicam vtilitatem, in lucem emittere, adiunctis tabellis quibus res tota spectantibus velut ob oculos poneretur: vt homines commonefacti de ira DEI, pœnisiq; ac flagellis horribilibus quibus impietatem & iniustitiam nostram iam iam vlcisci paratus est, matura resipiscentia, seriaq; vitæ emendatione has calamitates à se auertere studerent: & ex antiqua laudabiliq; consuetudine, querendus esset huic opusculo patronus, qui illud aduersus inuidorum latratus morsusque tueretur; tu mihi in mentem venisti Illustris & generose Baro; qui tum natalium splendore, tum raris eximijsque animi dotibus ac ornamentis, iam apud homines auctoritatem consecutus es, vt Zoilos omnes facile ab obtrectando deterreas; & bonas artes earumque studiosos (quod Illu-

stri Fuggerorum familiæ peculiare videtur) eo fauore beneuolentiæque comple-
cteris vt Meccenas ille, Maronis, Flacci multorumq; aliorum versib⁹ tantopere con-
celebratus in te hoc sæculo renatus esse videatur. Itaq; cui fœrum hunc ingenij mei
potius committerem quam tibi habui neminem. Eum igitur læta hilariq; fronte
recipe in fidem tutelamq; tuam; vt sub nominis tui patrocínio, velut Aiæ clypeo,
à virulentis maleuolorum calumnijs tutus consistat; nec non vt meæ erga te obser-
uantix pignus & monimentum ad posteritatem exstet sempiternum. Vale.

Coloniæ Agrippinæ X V. Calend. Aprilis, Anno à partu Virginis M. D. XCI.

Illustri & generosæ Dom.ⁿⁱ tuæ addi-
tus cliens Gregorius Iordanus.

AVCTOR

A V C T O R P I O C A N D I D O Q V E

L E C T O R I . S . D .




FFERIMVS hîc tibi, candide Lector, tabellas decem, addita breui earundem explicatione, de grauissimis calamitatibus casibusq; prodigijs, orbi terrarum impendentibus: quos non solum sancta Brigitta, Abbas Ioachimus, aliq; Sancti homines; verumetiam complures eximij Astrologi iampridem euenturos prædixere. Futurum est enim, vt mundi perfidiam & impietatem Deus acerrimè vlciscatur flagellis suis fame & peste, quæ per omnes terræ plagas longè latèq; grassabuntur; sed in primis atrocissimis bellis, quæ terra mariq; passim exardescant, & tantam hominum stragem æditura sunt, vt anno 1595. vix tertius quisq; superstes futurus existimetur. Cuiusmodi calamitas, à factis mundi fundamentis neq; visa fuerit vnquam, neque audita. quæ tantum hominib' terrorem incutiet vt metu velut stupefacti & exanimat, non futuri sint apud se. Tum Deus, pro infinita sua clementia, animos Principum Christiani nominis flectet ad pacem & concordiam. qui omnes, deterfis syncerè odijs, contrà Turcam coniuratione facta, coniunctis eum viribus adorientur, ac omni tandem ditione exuent. Hic tam insigni clade & ignomina velut subactus, & Spiritu sancto adflatus, posita ferocitate, Christianam religionem, cum omnibus suis, amplectetur. Succedet deinde regnum tyrannicum Antichristi; qui qualem habiturus sit exitum, in

AD LECTOREM.

explicatione Decimæ & vltimæ tabellæ dicturi sumus. Ne autem Lector harum rerum cupidus & studiosus quicquam desideraret eorum quæ ad pleniorẽ huius argumenti explicationem facere videantur, adiunximus ad calcem huius opusculi, effigies octo Romanorum Pontificum, qui post Gregorium XIII. qui nostra hac ætate Romanæ Ecclesiæ præest, sibi inuicem ordine successuri sunt, additis singulorum elogijs, quæ in vaticinijs Abbatis Ioachimi reperiuntur. Postremi autem Pontificis finem excipiet initium regni Antichristi. Porro libellus hic non eo consilio hoc tempore in lucem æditus est, vt inani otiosorum hominum curiositati seruiat; sed vt ij qui pijs operibus hætenus gnauiter incubuerunt, in tam sancto proposito, & vitæ instituto magis confirmentur: qui verò spreta neglectæue Diuina lege, omni flagitiorum genere per omnem vitam, sese contaminarunt, nunc saltem horribilibus hisce pœnis expergefacti & perculsi resipiscant, & in viam redeant; ne diutius in peccatis perseuerando, sua contumacia, obstinataque malitia iram Dei tandem in caput suum prouocent.

TABELLA



*Discordia Christianorum Principum, quam magna hominum cædes, urbium euersiones, & populorum
rebelliones consequuntur*



TABELLA PRIMA.

SEPTEM Regine quæ hostili animo, strictis gladijs inter se configunt, septem præcipua Europæ regna significant; nimirum Germaniam, Galliam, Hispaniam, Angliam, Poloniam, Moscouiam, & Italiam: inter quæ grauissima dissidia excitantur, quæ Diabolus (ut in Tabella expressum vides) flabellis suis magis accendit. Profecto hæc discordiæ semina ab eodem pacis hoste iam pridem per Europam nostram dispersa tam firmas in ea radices egerunt, ut bellorum tribuli & spina varijs iam in locis emergant. Videmus quam misere sit adstricta Gallia, quis sit status Poloniae, Germaniæ, ac orbis denique vniuersi, neque enim Europæ finibus hæc discordiarum pestis inclusa est: sed reliquas etiam mundi regiones sua contagione infecit, ut verè affirmare possimus, in ea nos tempora incidisse, quæ Christus olim ventura prædixit: futurum nimirum ut exsurgat gens contra gentem, & regnum aduersus regnum. Vnde facile colligi potest, non procul abesse tremendum illum supremi iudicii diem. Quare etiam atque etiam cauendum nobis est, ne contumaciter & obstinate in peccatis persistendo, iram Dei cordis nostri duritie prouocemus, quam iam accensam & quatuor flagellis, fame, peste, bello, terræ motu in perniciem nostram (nimis mature recipiscimus) armatam conspiciamus; omnique opera & studio enitendum, ut vera pœnitentia, seriâque vitæ emendatione quam primum ei reconciliemur, pœnasque acerbissimas iam iam imminentes à ceruicibus nostris depellamus.

Vae tibi Civitas philosophorum. Eheu, Eheu misera Civitas &



TABELLA SECVNDA.

SECVNDATAbella demonstrat horribiles pœnas & flagella quibus in homines Deus, lenitate & patientia sua tam diu impie abutentes, seuerissime tandem animaduersurus est. Prædixit olim sancta Brigitta grauissimas discordias inter Reges & Principes, temporibus nostris excitatum iri, cuiusmodi iam inde ab orbe condito nunquam fuerint audita. Rebellabit passim populus aduersus Principes, crudelissima varijs in locis bella nascentur, quæ tantam quaqua versum facient vastitatem, & tot hominum millia absument, ut parum abfuturum sit, quin terra ab incolis vacua tota in desertum & solitudinem redigatur. neq; enim Christiani nominis provincias duntaxat bellorum flamma vastabit, sed etiam in fidelium regiones per Asiam & Aethricam longè lateq; de populabitur.

Væ, Væ tibi ciuitas Philosophorum à Noachi filijs edificata. Gryphus ad terram adfligetur, causa prorsus cadet, neque vires ei in posterum ad bellum cuiquam inferendum sufficient.

Ingens in Ecclesia Dei schisma orietur, atq; urbis cuiusdam causa grauissima bella nascentur, in quibus infinita hominum multitudo mortem appetitura est.

Interea dum Christiani Principes, odio & luore excacati bella inter se gerent, mutuisq; sese vulneribus conficient, Turcarum Imperator complures Christiani nominis vrbes expugnabit, & vsque ad flumen Rhenum castra promouebit; verum dum celebrem quandam urbem ad Rhenum sitam nomine C. obsidere instituet, à Christianis in fugam agetur, magna exercitus parte amissa.

Sub idem tempus grauissimi motus per Europam excitabuntur, morte cuiusdam Regis, cuius ditiones cognati genere proximi inter se diuident. Quæ res fundendi magna abundantia hu-

TABELLA SECVNDA.

mani sanguinis causam præbebit. Sed virtute Germanorū, regnum tandem legitimis heredib. restituetur. Durabit autem hoc bellum menses circiter triginta tres, ac tertio demum prælio terminabitur.

Cum in quodam regno de noui Regis electione agetur, neque de ea inter primores eius regni satis conueniet, quibusdam hunc, alijs verò alium regem poscentibus; bellum atrox exorietur, ad quod concurrent omnes ferè Principes Christiani, ab Electoribus, in studia contraria factionesq. diuisis in auxilium vocati. Interea Rex quidam potentissimus ab austro veniet, instructa ingenti nauium classe, innumerabiles validissimasq. copias secum trahens; qui totos quinque menses tanta crudelitate grassabitur, obuia quæque ferro flammaq. vastando, tantarūq. hominum multitudinem trucidabit, vt non solum oculi à conspectu, sed etiam aures à commemoratione abhoritu-
re sint. Quæ clades discordiæ Principum Christianorum accepta ferenda erit,

Inter potentissimos huius mundi Principes, ruptis fœderibus, capitales inimiciæ nascentur, Multi Reges & magnates armis hostium opprimuntur, opibusq. eorum in prædam versis, ac ditio-
nibus in alios translatis, ad extremam rediguntur miseriam. O acerbos casus! Heu quibus ærum-
nis adfligentur, non tenuis fortuna homines, sed omnium potentissim!

Magni & periculosi tumultus varijs in locis excitabuntur, tantaq. erit passim animorum con-
sternatio, vt proprios liberos parentes deserturi sint, quo vitæ suæ in tanta omnium rerum pertur-
batione consulant. Pleriq. in diuersas mundi plagas dissergentur. Durabit autem miseranda hæc
rerum facies annos septem, quibus terræ fruges obuij cuiusque direptioni expositæ erunt.

In prælio quodam multe hominum myriades interficientur.

Europa

TABELLA SECVNDA.

Europa in primis horrenda Dei flagella experietur. Signa in cælo horribilia apparebunt, ignesq; maximi ac prodigiosi effulgebunt, quibus adeò grauitè mortalium animi percellentur, ut supremum tum adesse mundi diem existimaturi sint.

Eheu quam miserè expilabuntur incolæ horum locorum! statim atque nummorum aliquid, suppellectilis, aut cibariorum labore suo & industria corraserint, id protinus à prædonibus partim diripietur, partim consumetur. Hinc urgebit fames, illinc pestis adfliget, bellum verò eos omni ex parte premet & circumdabit; adeò ut ante initium anni 1595. hominum vix tertius quisque mortem euaserit, nihil thesauri absconditi quemquam iuuabunt. etenim in lucem proferentur & expilabuntur, ac denique in nihilum redigentur. Itaq; pœnitentiam agite, quia in gratiam iustorum dies illi adflictionum abbreviabuntur.

*Hic Deus eligit Principem qui voluntatem eius exequetur, qui alijs Principibus voluntate coniunctus
vna cum ijs se sistet coram Angelico Pastore.*



TABELLA TERTIA.

TERTIA Tabella futurum ostendit ut Diuina Maiestas, expiato, magna ex parte, praedictis flagellis suo tabernaculo, misertus denuo populi sui, Principes omnes Christiani nominis, praeter omnem spem & expectationem, ad concordiam adducat qui communi consensu, concordibusq; suffragiis, principem electuri sunt, qui in reb. ad huius vitae necessitates pertinentibus, tam bellicis quam politicis toti praesit orbi Christiano. Hic Dei voluntatem exsequetur, cuius nutu & providentia, omnes Christiani Principes fidelitatem & obedientiam huic Imperatori praestabunt, eiusque ductu & auspicijs fœdere inter se facto, coniunctisq; copijs, Turcarum Imperatorem inuadent, quem toto cum Imperio, falsa, Mahometi lege funditus euertent; sicut inspecta Tabella videre licet; hunc Principem à Deo electum, genibus flexis in medio aliorum Principum constitutum, quibus Deus omnibus Angeli sui voce praecipit ut huic Principi, tanquam ministro ac amico suo dicto audientes sint. Porro hi Principes, ita ut dictum est, animis armisq; coniuncti, complures vrbes, & in his praecipuam quandam totius Europæ seueris castigationibus expiabunt. Ceterum quod Reges arma gladiosq; ad terram abijciunt, futurum id significat, ut Diuina clementia, ex animis Christianorum Principum, discordiarum semina, vera omnium bellorum cause quibus hodie, prohdolor, omnis Europa concutitur, felici illo saeculo radicitus euellantur.

TABEL-

Vae tibi Civitas septem collium, quando litera K. laudabitur in muris tuis



TABELLA QVARTA.

QVARTA Tabella demonstrat præcipuam quandam Europæ ciuitatem grauitè adfligendam; quod Abbas Ioachimus disertis verbis in Vaticanis suis expressit: *Væ tibi, inquit, ciuitas S. C. quando potestates unitæ erunt, & quando K littera laudabitur in mœnibus tuis, tunc appropinquabit casus & destructio tuorum potentum, & iudicantium iniustitiam: qui habent digitos suos falcatos, qui sunt falx desertitudinis, & in Altissimo blasphemauerunt. Q. V. R. G. & in C. V. Videas tu qui sancta consideras, & sancta fers super humerum, ne puluis tuus fiat opprobrium, & barba profunda iuste incidatur; & maxime vituperaberis ipse consiliarius in morte Pontificis, cuius nomen Io. Obi. Hac Abbas Ioachimus,*

C

TABEL-

*Hic Principes omnes coram Pastore Angelico foedus inter se faciunt, ad eversionem Religionis
Mahometanae & Christianae Religionis propagationem*



TABELLA QUINTA.

QUINTA Tabella futurum docet, ut omnes Reges & Principes Christiani nominis Romam conueniant, ut sese sistant coram summo Pontifice, cui cognomen erit P. A. cuius Amadeus & Ioachimus in Vaticanis suis meminere. Huius Pontificis hortatu ijdem Principes, fœdere inter se facto, vires copiasq; coniungent, ad euerſionem Imperij Turcarum, & extirpationem quidem ſuperſtitionis Mahumetanæ, Chriſtianæ verò Religionis propagationem. Porro Angelicus hic Paſtor ſummus creabitur Pontifex extra urbem quandam Europæ præcipui nominis, dubijſq; omnib. in rebus, ab Angelo Dei quid faciendum ſit edocebitur. In hunc Diuina potentia, rara eximiaq; Spiritus ſui dona conferet, cuiuſmodi Eccleſiæ Chriſti naſcentis initio, Apoſtoliſ eius Lucas conceſſa fuiſſe teſtatur: nimirum miraculorum adendorum poteſtatem, varijs linguis loquendi, abſtruſioraq; ſacræ ſcripturæ myſteria & arcana explicandi facultatem. Quod ille Dei talentum non ignaue in terram defodiet, ſed omni ſtudio indiſtriâq; ſænerabit, ad Dei gloriam, & gregis ſibi comiſſi ſalutem; quem ſaluberrimo Verbi Dei pabulo, ipſe omnib. in locis apud populum concionando cibabit, & (quod maximam ad commouendos homines vim habere ſolet) ſinceritate fidei, doctrinæ puritate, ſanctæq; ac inculpatae vitæ exemplo ipſe ouibus ſuis præibit. Porro calamitates illæ quas orbi terrarum impendere ſupra diximus, temporibus eorum Pontificum euenturæ ſunt, qui Paſtorem hunc Angelicum proximè antecedent, quo Pontificatu ſurgente, tyranni omnes ex Eccleſiâ Dei eijcientur, ſublatoq; è medio omni ſchiſmate, conſpirabunt omnes totius orbis nationes in iocundiſſimam illam fidei Chriſtianæ unitatem; nec vllò deinceps ſchiſmate Chriſti Eccleſiâ diuidetur, uſque ad tempora Regni Antichriſti. Tunc inter Leonem, Aquilam & Gallum ſincera, conſtans firmaq; amicitia intercedet.

Prophetia inuenta in sepulchro Constantini, quæ ostendit finem Legis Mahumetanæ, quæ mille tantum annos durare debet, ad quorum complementum quinque duntaxat anni desunt




TABELLA SEXTA.

SEXTA Tabella continet prophetiam quandam, quæ à multis annis in sepulchro Constantini Imperatoris inuenta fuit, calata in argento. Ea primum ostendit finem Græcorum Imperij, capta à Turcis Constantinopoli; deinde Turcici Dominatus initium numerumq; annorum quibus ille duraturus sit; sicut ex columna huic Tabellæ inserta apparet; in cuius una parte videre licet Imperatores Christiani nominis Græcanico ritu coronatos; & in reliquis duab. partibus, Imperatores Turcicos, quorum capitib. imminet serpens sese in gyrum voluens, supra hos verò noui Imperatores Christiani cōspiciuntur, qui extincta Turcarū Monarchia, Cōstantinopoli denuò rerū potentur.

Vides præterea stantem inter duos Mauros Turcarum Imperatorem; quorum alter, nimirum Mahometes, ei significat legis à se traditæ finem iam aduenisse. Quod ut facilius intelligatur, sciendum est Turcas pro certo statuere legem Mahometanā non ultra mille annos duraturam. Cum itaque constet natum fuisse Mahometem anno à partu Virginis 595. tempore B. Gregorij Papæ: manifestum est, ad complendum mille annorum numerum vix quinq; annos nostra hac ætate desiderari: quibus exactis, magnæ & insignes per vniuersum orbem mutationes expectandæ sunt.

Vides in eadem Tabella Michaelē Archangelum, qui Senatū Venetū, dextrum latus ei claudentem, & Russorū Regem stantē ad sinistram, ad fœdus contra Turcam feriendum excitabit. qui truculentum hunc Christiani nominis hostem, eodem tempore terra mariq; adorti, cum imperio, omniq; ditione spoliatum, in potestatem suam redigent. victoriam enim consequetur Leo ille de quo scriptum est: Vicit Leo de tribu Iuda. Deus Satanam subiget, fastumq; ac superbiam infidelū, inuicta brachij sui virtute franget ac deprimet. Quocirca Mors clepsydram manu tenens, ostendit Imperatori Turcarum, ruinæ mortisq; ipsius diem iam instare. Non calabo autem hic Lectorē, Russorum Regem de quo diximus, eum esse quem speciatim Deus ad hoc delegit, ut Principibus omnibus Christianis ad Turcarum euersionem fœderatis, præsit, atq; imperet.

Septem exercitus Christianorum vastantes Turciam, & in potestatem suam redigentes



SEPTIMA TABELLA.

SEPTIMA Tabella demonstrat septenas acies instructas, totidem potentissimorum Christiani nominis Principum, qui coniunctis copijs, in Turciam impetum facturi sunt. Hi cum ad Imperatorum Turcarum contendunt, ut collatis signis cum eo confligant; omnia passim ferro flammaq; in itinere vastabunt, caesis captisque omnibus qui sese resistendi causa in conspectum dabunt, vicis, castellis oppidisq; direptis & incensis; donec tandem è regione Imperatoris Turcici castra ponant.

TABELLA

*Exercitus Turcarum et duellum Christianorum Imperatoris cum Imperatore Turcarum, qui
superatus Religionem Christianam amplectetur.*



TABELLA OCTAVA.

OCTAVA Tabella futurum significat, ut Turcarum Imperator, de coniuratione Principum Christianorum certior factus, collectis in unū viribus, coactoque ingenti validoque exercitu, sese ad defensionem comparet, et Christianorum conatibus fortiter opponat. Tum diuersa acerrimaque praelia committentur, in quibus infinitus hominum numerus utrinque cadet. Ac initio quidem ad aliquod tempus pars utraque vires subinde redintegrabit; donec Turcarum Imperator rem inclinatam, & se iam semiuictum videns, Constantinopolim fuga contendet. Cum verò exiguum diutius sese defendendi spem reliquam esse conspiciet, singulari certamine cum Christianorum Imperatore congredietur, à quo superatus, Diuina clementia spiritus sui Luce animum eius illustrante, Christianam Religionem cum omnibus suis amplectetur, & sacri baptismatis aqua ab Angelico Pastore ablutus, deinceps populo Christiani nominis ad censebitur.

*Hic Turcarum Imperator cum omnibus suis baptizatur Romæ ab Angelico Pastore, ac tunc efficitur
unum ouile & unus Pastor*



TABELLA NONA.

NONA Tabella spectantibus ob oculos ponit Principes omnes Christianos. Romæ congregatos, ut præsto sint summo Pontifici, Turcarum Imperatorem coram se in genua procumbentem sacra Baptismatis aqua tingenti. Tum demum impleta erit prophetia illa, Erit unum ouile & unus Pastor. tum, abolita Mahumetana superstitione, uniuersus terrarum orbis tam diu optata concordia & expectata pace fruetur. Quare in eadem Tabella videre licet Mahometem aditum Tartari siue Inferni abyssum à serpente, hoc est à Diabolo detractum. Hoc tempore homines certatim nomina Christo Seruatori daturi sunt.

*Hic incipit Regnum Antichristi qui magna cum potentia, horrendaque et immuni crudelitate regnabit menses
quadraginta duos, quo finito aeternum Dei de Mundo decretum executioni mandabitur.*




TABELLA DECIMA.

DECIMA & ultima Tabella ostendit Antichristi Regnum, cuius insignis erit potentia, & splendor eximius. Sunt qui eum natum fuisse existiment tempore Gregorij Papæ eius nominis XIII. Anno Christi 1572. Tum enim stella quadam prodigiosa apparere cepit in cælestifiguratione quam Andromedam vocant, ubi complures menses sese conspiciendam præbuit. Est autem vetus Hebræorum sententia, nouā stellam nouum Regem portendere. Hinc nascente Christo fulsit in Orientis regione stella illa quam Dominus pijs Magis Bethlehemam ad cunas recens ex Virgine nati Regis Iudæorum contendentibus insigni miraculo ducem itineris esse voluit. Anno deinde quingentesimo nonagesimo quinto, cum impurus ille Mahometes in lucem aderetur, tempore Sancti Gregorij Papæ, horribilem & inusitatæ magnitudinis Cometem in cælo conspectum fuisse historiarum monumenta testantur. Sic tempore Gregorij XIII. noua stella, ut diximus, apparuit, quæ natiuitatem Antichristi toti mundo significaret. Atq; id cum dicto Sanctæ Brigittæ belle congruit, quæ futurum adfirmat ut tempore prædicti Pontificis nascatur ultima Bestia; quæ sanè neminem alium designare potest quam Antichristum.

Præterea nostra hac tempestate signa illa euenire conspiciamus quæ Christus iam olim natiuitatem Antichristi antecessura prædixit: Exsurget gens contra gentem &c. Nam quando, obsecro, maiores grauioresq; bellorum motus in mundo exstiterunt quam exulcerato hoc nostro seculo?

Porro fama est locum natiuitati Antichristi destinatum esse regionem illam Aquilonis, ubi decem tribus Israëliticæ conclusæ fuisse dicuntur; eò quod scriptum sit, fore ut ab Aquilone pan-

TABELLA DECIMA.

datur omne malum: ac iſdem in locis Antichriſtum vitam acturum quietam, neq̃ ſeſe palam orbi
 oſenſurum uſq̃ ad annum ætatis ſuæ triceſimum. Tum verò (vt multorum fert opinio) ad opus ſe
 adcinget, & ſeditioſis ad populū habitis concionibus, orbē vniuerſum in Chriſtum, omnes q̃ Chri-
 ſti nomen profitentes concitabit. plurima falſa ficta q̃ miracula magicis præſtigijs aditurus eſt,
 quibus infinitam hominum multitudinem breui tempore in partes ſuas pertrahet. Multi reges
 & Principes ei dicto audientes erunt, et tanquam numen aliquod venerabuntur. Regnabit autem
 menſes circiter quadraginta duos; ac interea fines imperij ſui latè proferet, varijsq̃ illud artibus
 firmabit. Nonnullos enim falſis dogmatibus infectos, ac velut in cantatos in partes ſuas traducet;
 alios donis ampliſſimis allectos ſibi adiunget, in quibus largiendis ſuperiorum omnium Regum &
 Principum liberalitatem facile ſuperabit. ac ne aurum ei argentumq̃ ad eam rem ullo tempore
 deſit, theſauros omnes terra mariq̃ abſconditos, commonſtrantibus eos Diabolis, in ſua poteſtate
 habebit. quosdam deniq̃ minis atrociſſimis, exquisitiq̃ tormentis ad obedientiam compellet. erit
 enim Regnum ipſius plenum horrendæ crudelitatis. Adeo verò periculosa erunt ea tempora, vt pa-
 rum abſfuturum ſit, quin ipſi fideles, metu ſuppliciorum, fidem abnegent. Quotquot enim Chri-
 ſti nomen profitebuntur, eos omni cruciatus genere excarnificatos necabit. Eſi verò Diuina Ma-
 ieſtas, ſine cuius nutu & voluntate, neq̃ Diaboli, neque eorum organa (ſicut ex Hiſtoria Iobi ma-
 niſeſto liquet) vllas ad ledendos homines vires habent; Antichriſto tam diræ tyrannidis in mun-
 do exercendæ, ac electos præſertim, quo fides eorum exploretur, tam immani rabie perſequendi po-
 teſtatem & auctoritatem conceſſurus eſt: tamen ne iſdem electi, carnis infirmitate circumdati,
 tormentorum acerbitate aut metu, frangantur animis, & de ſanctæ vitæ ſtatu fideiq̃ conſtantia
 detur-

TABELLA DECIMA.

deturbentur: Diuina misericordia, quæ nequaquā permittit vt grauius tententur serui sui quam vires eorum ferre & sustinere queant, extremi hoc examinis tempus nō patietur esse diuturnum, sed quadraginta duorum mensium spatio circumscribet. Quibus exactis Antichristus, dum superba inflatus arrogantia, quo Iesum Christum Dei filium aliqua saltem parte referat, in cælum ascendere molietur, à Michaële Archangelo lethale vulnus accipiet. atq; ita nouus ille Lucifer e cælo in terram præcipitatus à Diabolis ad Tartara deprimetur. Tum duo insignes illi Dei prophetae Enochus & Elias vitæ denuo restituentur, quibus triduo ante ceruices, Antichristi iussu amputatæ fuerint. Ac paulo post, eo scilicet temporis momento quo Diuina Maiestati visum fuerit (quod in sua Pater posuit potestate, neque hominibus id scire fas est) consequetur vniuersalis corporum resurrectio; qua peracta, Electi vnà cum Christo perpetuum regnabunt: impij verò æternæ morti adiudicati, vnà cum Lucifero sempiternis in Inferno pænis excruciabuntur.

Cum igitur, ô Popule Christiane, tum ex sanctorum hominum testimonijs quæ hætenus adduximus; tum ex signis quæ Christus olim secundum aduentum suum proximè antecessura predixit, quæ nostra atate indies euenire conspiciamus; cuius colligere promptum sit, iam prope instare extremum illum seueri iudicij diem, quo non solum omnium factorum, sed etiam verbi cuiusq; otiosi iusto Iudici ratio nobis reddenda erit: audiamus, obsecro, grauissimam illam Christi exhortationem, corda nostra hunc in modum compellantis: Pœnitentiam agite; appropinquat enim regnum cælorum; resipiscamus, vitamq; emendemus, & ad Dominum & Deum nostrum reuertamur, à quo auersi sumus quamdiu peccatis securè indulgemus. illa enim, (vt inquit Prophe-
ta) diuidunt inter Deum & nos. offeramus ei fragrantissimum illud & acceptissimum obedientia

sacri-

TABELLA DECIMA.

sacrificium, mandatis eius ex animo obtemperando; ut post hanc vitam proposita promissa q̃ cultoribus eius premia percipiamus. Quod nobis clementissimus Pater cælestis, in nomine filij sui Domini & Seruatoris nostri Iesu Christi pro infinita sua misericordia largiri dignetur. Amen.

Porro octo Pontifices Romani ad calcem huius libelli adiuncti (sicuti supra in Prefatione monuimus) Papæ Gregorio XIII. qui nostra hac ætate Romanam regit Ecclesiam, ordine successuri sunt. Octavi autem Pontificis finem excipiet regni Antichristi initium, quemadmodum ex Vaticanis Abbatis Ioachimi, quæ de Pontificibus Romanis conscripsit, manifesto apparet.

F I N I S.

D E O G L O R I A.

F.

F.

F.

B.

SEQVVNTVR OCTO PON=
TIFICES ROMANI ANTICHRISTVM
PROXIME ANTECESSVRI, DE QVIBVS
IN PRAEFATIONE ET IN VLTIMA
TABELLA FACTA EST MENTIO.

os So

os

Incisio, Hypocrisis in abominatione erit.



Occisio filij, Balael sectabuntur.



I.

VACCA autem quintum, & sinis vrsos pascens, signa manifestat, & modum & locum unde adueniens solus manifestabit mihi amicos primos, habes virtutes aliorum, plus dispensas circa amicos propterea inuenisti dulcissimum finem: solus sublimaberis à gloria, & mortuos relinques potentissime potentias, sicut enim imbrem benè inuenies.

2.

ALIA vrsa pascens catulos, & in omnibus praterquam in umbra tantum, scripta similis natura templorum. Natiuitas abortiua praefiguratur. In ultima enim scribuntur ultima sub-solares, ante, retroq; corona manifestantes diuisionem totius pœnitentiae.

Bona gratia , Simonia cessabit



2

Bona oratio, Thesaurum pauperibus erogabit



3.

VVLPINA M figurasti amicitiam, patienter sensum refrenans sicut multum senex, & canum habens sensum, venientes autem dupliciter voluptates, & septies voluptatem dimisisti confringendas ad inuicem, & in effusionem vallis sanguinum effundendas. Tu pro victoria expandisti manus, bene & gloriosè brauium accepisti in fine sceptri.

4.

ET eleuabitur vnctus qui habet pronomen. Monachi petram habitans extra venit mihi aliena luctus reliquens, & victum agrestem vna, mortuus & gembundus congregans bona dissipans omne præmium iniquitatis, qui totus iustificatus, quando stella apparebit nigra, tunc eris nudus. Item valde ad interiora terra.

E 3

s. Mor.

Bona intentio, Charitas abundabit -



Prehonoratio, Concordia erit -



S.

MORTVVS, & nunc oblitus aspectus norunt multi, quamvis nullus istum videat à Deit-
lo te manifestatus ex insperato scepra tenebit istius imperij. Simul enim manifestatus in cæ-
lo praeo inuisibilis ter clamabit maxime, Ite cum festinantia ad occidentem septem collis, inuenie-
tis virum habitatorem amicum meum, ferte istum in regias sedes caluum, mansuetum, mitem,
altæ mentis, acutissimum ad videndum futura præcipue. In te habebis septem collis imperium.

6.

ECCE item homo de primo genere abscondito, intrans primum singularis in numerosos an-
nos. Nudè venit de petra tenebrosa, ut secundam splendentem incipiat vitam. Imago se-
cunda vitæ verissima tantum solidè solidus duplicatorum annorum introibit mortuus petram.

Accipe

Bona occasio



Reuerentia & deuotio augmentabitur.



7.

ACCIPE Cidarim mundam tibi commissam, & super induere nouis vestimentis senex sen-
su, sacerdos Dei magne ne pigriteris sed recipias: potentissime. pensa de fine, & ad bonum
dirige sceptrigeram, alia quidem non metuens. Tempus enim desuper istud recepisti, solum tribus
auroris circumdati anni, & vndenario stellarum completum. Vni tantum fini sacratum, quod ad-
miraris, reliquisti, plaude placasti altercationem, sequere vocationem, ad presentem gloriam bene
venisti. Dixit autem principijs. Bene comple vniuersam culturam, & habitationes caelestes am-
bula. Caeste enim inest principium & finis.

8.

Bonam vitam inuenisti ab ingloriatione, à virtute autem accepisti plus quam à fortuna, sed
inequaquam virtuosam lucraberis gratiam. Inuidia enim contingent iudicia tibi nocentia,
non priuaberis à sorte desuper. Væ ciuitas sanguinum vniuersa mendacj dilaceratione plena, non
recedet à te rapina, vox flagelli, vox impetus rota, & equi frementis.

Cor feræ detur ei, & septem tempora mutantur super eum.

Cor eius ab abominatione (vel habitatione) immutetur.

F I N I S.

F